



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs

Broj: 01-9-02-2-1782/23  
Sarajevo, 03.04.2023. godine

**SKUPŠTINA KANTONA SARAJEVO**  
n/r predsjedavajućeg Skupštine

**PREDMET:** Odgovor na zastupničko pitanje zastupnice Smiljane Viteškić-dostavlja se;

**VEZA:** Vaš akt broj: 01-04-7728-16/23 od 24.03.2023. godine;

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje zastupnice Smiljane Viteškić, pripremljen od strane Uprave policije Ministarstva unutrašnjih poslova Kantona Sarajevo.

Dio pitanja kojim se traži „detaljno pojašnjenje procedura usvajanja pravilnika o novoj sistematizaciji radnih mjesta“ obavještavamo vas da je ministar donio u skladu sa članom 52. stav (1) tačka 2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05) Pravilnik o unutrašnjoj organizaciji Ministarstva unutrašnjih poslova Kantona Sarajevo broj: 01-7-02-4934/21 od 16.02.2022. godine. Odlukom broj: 02-04-9141-5/22 od 10.03.2022. godine Vlada Kantona Sarajevo dala je saglasnost na Pravilnik o unutrašnjoj organizaciji Ministarstva unutrašnjih poslova Kantona Sarajevo. Zakon o dopuni Zakona o objavljivanju propisa i drugih općih akata u "Službenim novinama Kantona Sarajevo" ("Službene novine Kantona Sarajevo", broj: 35/22), utvrdio je da izuzetno Ministarstvo unutrašnjih poslova Kantona Sarajevo neće objavljivati dio Pravilnika o unutrašnjoj organizaciji Ministarstva unutrašnjih poslova Kantona Sarajevo koji se odnosi na Upravu policije. U skladu sa navedenim Zakonom ministar je u Službenim novinama Kantona Sarajevo broj: 42/22 objavio dio navedenog Pravilnika, koji se odnosi na Ministarstvo, bez Uprave policije.

S poštovanjem,

**Prilog:**

-Akt MUP, Uprava policije broj: 02/5-1-02-2-2345 od 31.03.2023. godine;  
-CD x1.




Adresa: Sarajevo, La Benevolencija 16  
Tel: + 387 (0)33 286-701, 286-702,  
Fax: + 387 (0)33 226-445

Web: <http://mup.ks.gov.ba>, Email: [ministar@mup.ks.gov.ba](mailto:ministar@mup.ks.gov.ba)

**Dostaviti:**

1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.





Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs  
Police department

Broj: 02/5-1- 022-2345  
Dana: 31.03.2023. god.

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
MINISTARSTVO UNUTRAŠNJIH POSLOVA  
SARAJEVO

03-04-2023	
01-9	022-1782

**MUP KANTONA SARAJEVO**  
-n/r sekretara Ministarstva-

**PREDMET: Odgovor na poslaničko pitanje, dostavlja se,-**

Veza: Vaš akt broj: 01-9-02-2-1782/23 od 29.03.2023.godine

Vašim aktom, broj i datum veze, dostavljeno je poslaničko pitanje zastupnice Viteškić Smiljane koje je postavila na Petoj radnoj sjednici Skupštine Kantona Sarajevo održanoj dana 24.03.2023.godine i to: upućujem pitanje Ministarstvu unutrašnjih poslova da li je okončana konkursna procedura prijema novih policijskih službenika, te bih molila detaljno pojašnjenje procedura usvajanja pravilnika o novoj sistematizaciji radnih mjesta.

U vezi sa navedenim dostavljamo vam odgovor na poslaničko pitanje kako slijedi:

Provodeći konkursnu proceduru po Javnom konkursu za popunu slobodnih radnih mjesta policijskih službenika u Upravi policije MUP-a Kantona Sarajevo u početnom činu "policajac" - 200 izvršilaca, koji je dana 31.05.2021. godine, objavljen na oglasnoj ploči i web stranici MUP-a Kantona Sarajevo, kao i u dnevnim novinama „Oslobođenje“ i „Dnevni avaz“, dana 21.09.2022. godine, Komisija za izbor je objavom Konačne liste kandidata koji će biti upućeni na osnovnu obuku za kadeta za čin „policajac“, okončala proceduru za 197 kandidata. Nadalje, 1 (jedan) kandidat nije uvršten na Konačnu listu zbog utvrđenog postojanja sigurnosne smetnje za pristup tajnim podacima, dok u odnosu na preostala 2 (dva) kandidata, u smislu odredaba člana 39. stav (3) Zakona o zaštiti tajnih podataka („Službeni glasnik Bosne i Hercegovine“ br. 54/05 i 12/09) još uvijek traje postupak sigurnosnih provjera. Po okončanju navedenog postupka i rezultata sigurnosnog provjeravanja, Komisija će poduzeti aktivnosti iz svoje nadležnosti u pogledu navedena dva kandidata.

Shodno zaključenom ugovoru o međusobnim pravima i obavezama Uprave policije MUP-a Kantona Sarajevo i kadeta – polaznika osnovne policijske obuke za čin „policajac“ na Policijskoj akademiji FMUP-a, 197 kadeta je počev od 30.09.2022. godine započelo osnovnu obuka kadeta za čin „policajac“ u trajanju od 8 (osam) mjeseci, od čega 5 (pet) mjeseci na Policijskoj akademiji i 3 (tri) mjeseca praktične obuke u organizacionim jedinicama Uprave policije MUP-a Kantona Sarajevo, s tim da su 2 (dva) kadeta dobrovoljno napustili obuku na Policijskoj akademiji FMUP-a za čin „policajac“.

Napominjemo, da Uprava policije Ministarstva unutrašnjih poslova Kantona Sarajevo planira u 2023.godini provoditi nove konkursne procedure za popunu slobodnih radnih mjesta policijskih službenika u početnim činovima "policajac" i "mlađi inspektor".

U pogledu dijela pitanja koje se odnosi na pojašnjenje procedura usvajanja pravilnika o novoj sistematizaciji radnih mjesta, dostavljanje traženih podataka je u nadležnosti Ministarstva unutrašnjih poslova Kantona Sarajevo obzirom da je donosilac Pravilnika o unutrašnjoj organizaciji Ministarstva unutrašnjih poslova Kantona Sarajevo broj: 01-7-02-4934/21 od 16.02.2022.godine ministar unutrašnjih poslova, uz saglasnost Vlade Kantona Sarajevo, te su se navedene procedure provodile od strane Ministarstva unutrašnjih poslova Kantona Sarajevo, dok je Uprava policije u navedenom segmentu bila nadležna da shodno članu 16. stav (2) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20) dostavi prijedlog dijela navedenog pravilnika koji se odnosi na Upravu policije, što je i učinjeno.

S poštovanjem,

**ZAMJENIK POLICIJSKOG KOMESARA**

**Glavni inspektor**

**Fatmir Hajdarević**

